



Atugarissaarnermut ataatsimiititaliap suleriaasia

Atugarissaarnermut ataatsimiititaliap ataatsimiittarneri

§ 1. Ataatsimiititaliap ataatsimiinneri tamanut ammasuunngillat, tak. aqutsinermi inatsisip § 28-ia imm. 4

Imm. 2. Ataatsimiititaliap kommunimi sulisut ataatsimiinnermini ataatsimiititaliami allatsissatut il.il. peqataaqqusinnaavai. Ataatsimiititaliap inuit allat matumanilu communalbestyrelsimi ilaasortat ilangullugit ataatsimiinnermini peqataaqqusinnaavai, tassa suliamut paasissutissiissuteqarsinnaanermi tamanna kissaatiginartinneqarpat.

§ 2. Ataatsimiititaliami ilaasortaq ataatsimiinnermi peqataasinnaanngikkuni, tamanna kingusinnerpaamik ataatsimiinnissaq ullunik marlunnik sioqqullugu ataatsimiititaliap siulittaasuanut nalunaarutigissavaa. Aalaj anginernik imaqarniliornerni tamatigut ilaasortat kikkut ataatsimiinnermi peqataannginnerat ilangunneqartassaaq.

Ataatsimiititaliap siulittaasuanik toqqaaneq

§ 3. Ataatsimiititaliap ataatsimiinnerani siullermi ataatsimiititaliaq siulittaasussaminik taassumalu tullersortissaanik toqqaassaaq. Toqqaanerit immikkoortillugit ingerlanneqassapput, nalinginnaasumillu amerlanerussuteqarneq tunngavigalugu aalajangiisoqassalluni. Ataatsimiititaliap siulittaasuanik toqqaaneq borgmester-imik aqunneqassaaq.

Ataatsimiigiaqqusinerit oqaluuserisassallu nassiussuunneri

§ 4. Ataatsimiititaliamut apeqquteqaatit allakkatigut saqqumiunneqartassapput. Nalinginnaasumik ataatsimiinnissaq ullunik arfineq-pingasunik sioqqullugu suliamik allaganngorlugu suliassanngortitsisimappat, ataatsimiititaliap siulittaasuata suliassaq taanna ataatsimiinnermi siullermi oqaluuserisassanut ilangutissavaa.

Imm. 2. Nalinginnaasumik ataatsimiinnissaq ullunik ulluinnaasunik sisamanik sioqqullugu Siulittaasup oqaluuserisassat ilaasortanut tamanut nassiunneqarnissaat isumagisassavaa. Oqaluuserisassat ataasiakkaarlutik sapinngisamik naatsumik ersarissumillu suliamut tunngasutigut oqaasertaligaassapput. Ataatsimiinnerni tamani oqaluuserisassat borgmesterimut kommunimilu pisortaanermut paasissutissatut ingerlatinneqartassapput.

Imm. 3. Oqaluuserisassat ammasunut matoqqasunullu immikkoortinneqartassapput. Matoqqasunut tunngasut makkuupput

- 1) suliani inunnik ataasiakkaanik inuttut atugaasigut nalilersuiffiusussat
- 2) suliat illuutinik pisinernut tunisinernullu tunngasut
- 3) illuutinik suliaqarnermi missiliuutit neqeroorutilu kiisalu nioqquteqarnerit.

Imm. 4. Immikkut ataatsimiigiaqqusinermi sapinggisamik annerpaamik ataatsimiititaliap siulittaasuata suna ataatsimiinnissami pineqassanersoq pillugu ilaasortat paasissutissinniartassavai.

Aalajangiisinnaassuseq, ataatsimiinnermi aqutsineq sulallu saqqummiuttarnissaat

§ 5. Ataatsimiititaliam iilaasortat ikinnerpaamik affai peqataappata, ataatsimiititaliaq aalajangiisinnaassuseqarpoq.

Imm. 2. Ataatsimiititaliaq, iilaasortat ilaannik piumaffigineqaruni, iilaasortap ataatsimiinnermi attaveqaatit atorlugit peqataanissa aalajangiiffigisinnaavaa.

§ 6. Ataatsimiititaliap siulittaasuata, peqataanngippallu siulittaasup tulliata, ataatsimiinnerit aquttassavai. Ataatsimiinnerit aqunneqarnerini toqqisisimasumillu ingerlanneqarnissaannik apeqqusiinerit ataatsimiititaliap siulittaasuata aalajangiiffigisassavai. Taamatuttaaq suliani taassisuteqassatillugu, qanoq isikkuliinissaq ataatsimiititaliap siulittaasuata aalajangiiffigisassallugu.

Imm. 2. Kinaluunniit oqaaseqarusukkuni, ataatsimiititaliap siulittaasuanut saaffiginnissaaq, taassumalu iilaasortat oqaaseqartussat saaffiginninnerat tunngavigalugu tulleriaassavai. Arlallit oqaaseqarniarlutik ataatsikkut saaffiginnippata, ataatsimiititaliap siulittaasuata oqaaseqarnissaanni qanoq tulleriinnissaat aalajangissavaa. Oqaaseqartut taamaallaat ataatsimiititaliap siulittaasuanit unitsinneqarsinnaapput.

Imm. 3. Ilaasortap kialluunniit toqqisisimanissamik siulittaasup piumasarisaataaqjisussavaa. Ilaasortap ataatsimiinnerup ingerlanerani marloriarluni toqqisisimmaqquneqarsimappat, ataatsimiititaliap siulittaasuata siunnersuuteqarneratigut ataatsimiinnermi iilaasortaq oqaaseqaqqissanngitsoq ataatsimiititaliap aalajangiiffigisinnaavaa.

§ 7. Ataatsimiinnermi ataatsimiissutissat ataatsimiititaliap siulittaasuata aalajangiineratut tulleriaarneqassapput, taassumalu oqaluuserisassat tulleriaarsimaneri allanngortissinnaallugit.

Imm. 2. Ilaasortaq kinaluunniit ataatsimiinnerup aallartinnerani oqaluuserisassat pillugit oqaaseqarumasinnaavoq, matumanit oqaluuserisassat tulleriaarsimaneri aamma eqqarsaatigalugit.

Imm. 3. Suliaq oqaluuserisassanut nassiunneqarsimasunut ilanngunneqarsimanngitsoq oqaluuserineqarsinnaanngilaq, ilanngunnissaalu tamanit isumaqatigineqanngippat, imaluunniit suliap aalajangiiffiginissa nalorninaateqanngippat suliarluunniit kinguartinneqarsinnaanngippat.

§ 8. Suliaq inatsisitigut allatut aalajangiiffigineqarsimangippat ataasiaannarlugu suliarineqartassaaq, ataatsimiititalialluunniit suliap marloriarlugu suliarinissa aalajangiiffingippagu.

Imm. 2. Siullermeerlugu suliap suliarinerani suliaq sukumiissumik suliarineqassanersoq taassisutigineqartassanngilaq, taamaallaalli aappassaaneernissaanik apeqqut taassisutigineqassalluni. Ilaasortap kialluunniit pineqartumut oqaaseqarnissani pisinnaatitaaffigivaa, tassa suliap aappassaaneerneqarnissaminut ingerlateqqinneqarnissaa eqqarsaatigalugu. Siullermeernerera aappassaaneernereralu ulloq ataaseq pisinnaanngillat.

Imm. 3. Suliaq marloriarlugu suliarineqassappat, siullermeernerani pappialat atukkat sapingisamik ilaasortanut misissugassanngorlugit saqqummiunneqassapput, taakkuluunniit akornanni ingerlaartinneqarlutik.

§ 9. Ataatsimiititaliami ilaasortap kialluunniit aalajangiinerup piviusunngortinnejarnissaa unitsissinnaavaa ataatsimiinnermi oqaaseqaruni suliassap communalbestyrelsimum tamarmiusumut saqqummiunneqarnissaa kissaatigigini. Tamannali atussanngilaq aalajangiinernut inatsisit malillugit ataatsimiititalianut ataavartunut isumagisassanngortinnejarnissat.

§ 10. Ataatsimiititaliami siulittaasup ataatsimiititaliaq sinnerlugu suliassat kinguartinneqarsinnaanngitsut imaluunniit nalornisoorutaasinnaanngitsut aalajangiivigisinnaavai. Suliassani inatsisiornikkut ataatsimiititaliamut suliassanngortitaasimanngitsuni kinguartinneqarsinnaanngitsunili ataatsimiititaliami siulittaasup aalajangiitinnani borgmesteri ilisimatittassavaa, tamannali atuutinngilaq suliassani ataatsimiititaliamut suliassanngortinnejarnissasuni.

Ilaasortat ataatsimiinnermi taasinermilu peqataanerat

§ 11. Ataatsimiititaliami ilaasortaq suliami aalajangersimasumi peqataasinnaanngilaq, tassa imminermut inuttut aningaasatigulluunniit suliap qanoq inernejarnissaa soqtigisaqarfinguniuk suliamiluunniit massakkut siusinnerusukkulluunniit soqtiginnitumut sinniisuuusimaguni,

katissimallugu appariikkunik, siulimikkut/kinguaamikkut ningariikkunik /sakiatsiariikkunilluunniit qatanngutimiluunniit kinguaavisigut allatigulluunniit qanitariittuunikkut suliap qanoq inernejarnissaa soqtigisaqarfinguniuk suliamiluunniit massakkut siusinnerusukkulluunniit soqtiginnitumut sinniisuuusimaguni,

ingerlatseqatigiiffiup siulersorneqarnerani peqataaguni allatigulluunniit peqatigiiffimmut qanittumik attuumassuteqaruni, tamatumanilu suliap qanoq inernejarnissaa soqtigisaralugu,

suliassaq pisortat suliffeqarfiutaannut allamut atatillugu naammagittaalliutaappat imaluunniit misissuisutut nakkutilliisuffittulluunniit suliassaappat, pineqartorlu pisortaqarfimmut tassunga atatillugu pineqartumi aalajangiinermi pineqaatissiinermiluunniit peqataasimaguni, imaluunniit

pineqartup kinaassusersioruntuunngitsumik isummersinnaanissaanik apeqqusiinissamut peqqutaasinnaasunik takussutissaqarpat.

Imm. 2. Suliamili peqataanissaq akornutissaqanngilaq, tassa soqutiginninnerup qanoq ittuunera annertussusialuunniit eqqarsaatigalugit, suliassap qanoq ittuunera pineqartulluunniit suliamik suliaqarnera suliami aalajangiinissamut akornutaasussamik sunniuteqaateqarnissaa mianernartoqanngippat.

Imm. 3. Suliamut atatillugu peqataasinnaanngitsoq, suliami aalajangiisinnaanngilaq, aalajangiinermi peqataasinnaanani allatulluunniit suliamut atatillugu suliaqarnermi peqataasinnaanani.

§ 12. Ilaasortap peqataasinnaanerminut atatillugu nalornisooruteqaruni tamatuminnga ataatsimiitaliaq ilisimatissavaa.

Imm. 2. Ataatsimiitaliap ilaasortap soqutiginninnerata suliami peqataasinnaaneranut qanoq attuumassuteqartiginersoq, tassa pineqartoq suliap ataatsimiitaliami saqqummiunneqarnerani, suliarineqarnerani taassisutaaneranilu peqataasinnaannginneranik kinguneqassanersoq, aalajangissava. Taamaattoqarpat pineqartoq suliap saqqummiunneqarnerani, suliarineqarnerani taasissutigineqarneranilu ini qimattariaqassavaa, illuatungaatigulli ilaasortaq suliamut attuumassuteqarnerata ataatsimiitaliami suliarineqarnerani taaseqataasinnaaneranillu peqataasinnaalluni.

Taasissuteqarneq, allannguutissamik suliallu ingerlannerani allannguutissamik siunnersuuteqaqqinnerit

§ 13. Taasinerit ima ingerlanneqartassapput, ilaasortat issiavimminniit nikuittarlutik, nappaasarlutik imaluunniit arlaatigut paatsoorneqarsinnaanngitsumik siunnersummut isumaqataanerlutik isumaqataannginnerlutilluunniit nalunaarutigalugu.

Imm. 2. Aalajangiinerit tamarmik amerlanerussuteqarnikkut pisassapput.

Imm. 3. Ataatsimiitaliap siulittaasua naliliiguni, suliap inerneqarnissaa ima nalunaatsigisoq, taasissutigineqarnissaa pisariaqarani, suliamik nammineq paasinninnini aalajangiinissamilu isummernini oqaatigissavai. Tamatumalu kingorna ilaasortat arlaata suliap taasissutiginissaa piumasarmngippagu, ataatsimiitaliap suliami nammineq isummani naapertorlugu aalajangiisoqarnera oqaatigissavaa.

Imm. 4. Qinersinerit allakkatigut taasinikkut pisassapput, taasiffissallu siulittaasumit isumagineqarlutillu tunniunneqartassallutik. Ataatsimiitaliap siulittaasuata nalornissutigingikkuniuk ataatsimiitaliap qinigassanngortittoq aalaj angersimasoq toqqarniaraat toqqaqqinniaraalluunniit, taava siunnersuutigisinnaavaa, pineqartoq allakkatigut taasissutaanngikkaluamik toqqagaassasoq. Taamaattoqartillugu ilaasortat arlaata taasinissaq piumasaqaatiginngippagu, qinigassanngortittutut siunnersuut toqqagaasutut paasineqassaaq.

§ 14. Allannguutissatut siunnersuutit suliallu ingerlanerani allannguutissatut siunnersuuteqaqqinnerit saqqummiunneqarsinnaapput, taasinissap aallartninginnerani, taamaasillunilu suliap saqqumiunneqarnera siullermeernereluunniit patsisiginiarneqarsinnaanani, tassa suliaq marloriarlugu suliassaappat, immikkoortorli 2 takuuk.

Imm. 2. Ataatsimiititaliaq suliani marloriagassani aalajangiisinjaavoq, allannguutissatut siunnersuutit piffissaliiffigineqassasut tunngaviusumillumi aamma suliap ingerlannerani allannguutissatut siunnersuuteqaqqinnerit, taamaattoqartillugulu piffissaq qaangiutereersoq saqqummiunneqarsinnaanatik.

Imm. 3. Allannguutissatut siunnersuutit suliallu ingerlanneqarnerani allannguutissatut siunnersuuteqaqqinnerit ilaasortanut aatsaat suliap aappassaaneernerani saqqumiunneqarpata, ataatsimiinnerup aallartinnerani ataatsimiititaliap siulittaasuata ataatsimiinneq aallarnerlugu tunniunneqarsimappata nalunaarutigissavai.

Ataatsimiititaliapi siulittaasuata allannguutissatut siunnersuutini taasinerit qanoq tulleriiarneqarnissaat aalajangissavaa, tamatigulli tunngaviusumik siunnersuutip taassisutiginnginnerani taakku ingerlanneqartassapput.

Amerlanerussuteqarluni toqqaaneq

§ 15. Amerlanerussuteqarluni toqqaanerni, toqqagassani ilaasortanit peqataasunit amerlanernit toqqagaasoq qinigaassaaq. Taama amerlanerussuteqartoqanngippat, taava taaneqartunit amerlanerit marluk aallaavigalugit taasisoqassaaq. Toqqaasut amerlaqatigiippata makitsinikkut aalajangiineq pissaaq.

Aalajangiinernik allattaavik

§ 16. Ataatsimiititaliapi aalajangiineri ataatsimiinnerup ingerlanerani aalajangiinernik allattaavinnut ataatsimiititaliapi allattaanit allanneqartassapput. Ataatsimiititaliap siulittaasuata oqaatigissavaa, qanoq allanneqassanersut.

Imm. 2. Ilaasortap allatut isumaqarnini naatsumik allatsissinnaavaa.

Imm. 3. Aalaj angiinnernik allattaavik ataatsimiinnerit naammassineri tamaasa, allanneqarsimasut atuarneqareernerisigut, ilaasortanit ataatsimiinnermi peqataasunit tamanit atsiorneqassaaq. Ilaasortat namminneq taasinertik innersuussutigalugu allatigulluunniit patsisissarsiorlutik aalaj angersakkanut atsiorumanngissinnaanngillat. Ataatsimiititaliap siulittaasuata aalajangersakkat allattorsimaffiat ataatsimiinnermi peqataasunit atsiorneqarsimanissa qularnaassavaa.

Imm. 4. Ataatsimiinermit ammasumiit aalajangikkat tamanut takusassiarineqassapput.

Suleriaatsip aalajangersagaannik paasinninneq

§ 17. Ilaasortaq kinaluunniit ataatsimiititaliap siulittaasuata suleriaatsip qanoq paasineqarnissaap illugu aalajangiineranik ataqqinnittussaavoq, apeqqusiinerli ataatsimiititaliap tullianik ataatsimiinnissaanut ingerlateeqinnejarsinnaalluni.

Suleriaatsimik allannguuteqartitsineq

§ 18. Suleriaatsimik allannguuteqartitsineq tapiliussaqarnerilluunniit ataatsimiinnermi nalinginnaasumi ataasiarlugu ingerlanneqassaaq.

§ 19. Suleriaaseq una atuutilerpoq ulloq 31. maj 2021.

Atugarissaarnermut Ataatsimiititaliap siulittaasua



The image shows a handwritten signature in blue ink, consisting of stylized loops and curves. Below the signature, the name "Juliane Enoksen" is printed in a black sans-serif font.